



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАМАЛАР

19 шілде 2016 ж.

2016 жылғы бірінші жартыжылдықта инфляция 4,6%-ды құрады – Ұлттық Банк

Бұл туралы ҚР Үкіметінің отырысында «Қазақстан Республикасының әлеуметтік-экономикалық дамуының және мемлекеттік бюджетінің атқарылуының 2016 жылғы 6 айдағы қорытындылары туралы» мәселе бойынша баяндама жасаған ҚР ҰБ Төрағасының орынбасары Ғалымжан Пірматов хабарлады.

Ғ. Пірматов инфляциялық күтулерге қатысты маусым айындағы пікіртерімнің деректер келтірді. Мәселен, келесі 12 айда инфляцияның жеделдеуін немесе оның ағымдағы деңгейде сақталуын күтетін Қазақстандықтардың үлесі наурыздағы 42,2%-дан 36,3%-ға дейін төмендеген.

Ұлттық Банк басшысының орынбасары 2016 жылғы қаңтар-маусымда инфляцияның 4,6% деңгейінде қалыптасқанын да хабарлады. «Соңғы айлары инфляция іс жүзінде күтулер мен болжамдарға толығымен сәйкес келеді, бұл барынша ықтималдылықпен 2016 жылдың қорытындысы бойынша жылдық инфляция бойынша 6-8% нысаналы дәлізге қол жеткізу және оны келесі жылдың соңына дейін осы ауқымда сақтау туралы пайымдауға негіз болады», – деп түсіндірді ол.

Қазақстанда ақша-кредит талаптары іс жүзінде жеңілдеуде – ҚР ҰБ

Қазақстан Ұлттық Банкі ақша-кредит талаптарын жеңілдету саясатын жүргізіп отыр, бұл базалық мөлшерлеменің төмендеуінен байқалады. Ол 2016 жылғы мамырдан бастап 17%-дан 13%-ға дейін төмендетілді. Бұл туралы бүгін ҚР Үкіметінің отырысында «Қазақстан Республикасының әлеуметтік-экономикалық дамуының және мемлекеттік бюджетінің атқарылуының 2016 жылғы 6 айдағы қорытындылары туралы» мәселе бойынша баяндама жасаған ҚР ҰБ Төрағасының орынбасары Ғалымжан Пірматов хабарлады.

«Базалық мөлшерлеме бойынша кейінгі іс-қимыл инфляция бойынша іс жүзіндегі деректерге, олардың болжамнан ауытқуына, халық пен нарықтың инфляциялық күтулеріне, сондай-ақ экономика субъектілерінің валюталық басымдықтарына байланысты болады, – деп атап өтті Ғ. Пірматов. – Базалық мөлшерлемені ықтимал төмендету инфляция деңгейінің нысаналы ауқымға жақындауын көрсететін орнықты белгінің болуына негізделетін болады.»

Ұлттық Банктің деректерінше, 2016 жылғы қаңтар-маусымда инфляция 4,6% деңгейінде қалыптасты, бұл Ғ. Пірматовтың айтуынша, күтулер мен болжамдарға толық

сәйкес келеді және 2016 жылдың қорытындылары бойынша жылдық инфляция бойынша 6-8% нысаналы дәлізге қол жеткізу туралы үлкен мүмкіндікпен пайымдауға негіз болады.

ҚР Ұлттық Банкінің АВР жылдың басынан бері 30,5 млрд. долларды құрады

Ағымдағы жылдың басынан бері Ұлттық Банктің алтын-валюта резервтері мен Ұлттық қордың активтері өсуін жалғастыруда. Бұл туралы бүгін ҚР Үкіметінің отырысында жасаған баяндамасында ҚР ҰБ Төрағасының орынбасары Ғалымжан Пірматов айтты.

Оның сөзінше, алтын-валюта резервтері жыл басынан бері 9,4%-ға 30,5 млрд. АҚШ долларға дейін ұлғайған, бұл соңғы 4 жыл ішіндегі ең жоғары мән болып табылады. Ұлттық қордың активтері 65,7 млрд. АҚШ долларға жетті.

«Елдің халықаралық резервтері 96,2 млрд. АҚШ долларға жетті (жыл басынан бері 5,3%-ға өсті)», – деп атап өтті Ғ. Пірматов.

Ұлттық Банк теңге салымдары бойынша 2016 жылғы бірінші жартыжылдықтағы деректерді келтірді

Инфляцияға және айырбастау бағамына қатысты жағымды күтулердің күшеюі банк жүйесіндегі депозиттердің өсуіне ықпал етті. 2016 жылғы 6 айда ол 5,3%-ды (846,2 млрд. теңге) құрап, 16,8 трлн. теңгеге дейін өсті. Бұл туралы ҚР Үкіметінің отырысы барысында ҚР ҰБ Төрағасының орынбасары Ғалымжан Пірматов хабарлады.

«Ұлттық валютаға деген сенімді қайтару жөнінде қабылданған шаралар нәтижесінде халықтың валюталық басымдығына өзгерістер болды және депозиттерді долларландырудың төмендеуі соның салдары болып табылады», – деді Ғ.Пірматов. Ол осыны көрсететін деректерді келтірді. Мәселен, шетел валютасындағы депозиттердің үлесі 2016 жылғы қаңтардағы өзінің ең жоғарғы мәні 69,9%-дан 2016 жылғы маусымның қорытындысы бойынша 57,6%-ға дейін төмендеді. Жеке тұлғалардың депозиттері бойынша долларландырудың деңгейі 67,5%-ға дейін төмендеді (2016 жылғы қаңтарда – 80,1%). Заңды тұлғалардың депозиттері бойынша теңгедегі және валютадағы депозиттер бөліктері арасында паритет байқалады (тиісінше 49,5% және 50,5%). «Теңгедегі салымдардың үлесін одан әрі ұлғайту болжанып отыр, бұл экономиканы кредиттеудің белсенділігін арттыру үшін қажетті банктерді теңгемен қорландыруды қамтамасыз етеді», – деп атап өтті ҚР ҰБ басшысының орынбасары.

Ғ. Пірматов өз баяндамасында экономикаға кредиттер көлемі жылдың басынан бастап іс жүзінде өзгермегенін және 2016 жылғы маусымның соңында 12,5 трлн. теңге болғанын хабарлады.

«Шағын бизнеске кредиттер мемлекеттік қолдау есебінен 2,7 трлн. теңгеге дейін 32%-ға өсті. Кредиттеу қарқынының айтарлықтай өсуін ауыл шаруашылығы (8,6%-ға) және құрылыс (2,7%-ға) көрсетіп отыр», – деп қорытындылады Ғ. Пірматов.

Қосымша ақпараттарды мына телефондары бойынша алуға болады:

+7 (727) 2704 585

+7 (727) 2704 697

e-mail: press@nationalbank.kz